



თბილისის გემტალტ ინსტიტუტის ეთიკის კოდექსი:

1. ძირითადი დებულებები:

- A. წინამდებარე ეთიკის კოდექსი არეგულირებს გემტალტ-თერაპევტის მუშაობასთან, და გემტალტ-თერაპევტსა და კლიენტს შორის არსებულ ურთიერთობებთან დაკავშირებულ ეთიკურ ნორმებს.
- B. გემტალტ-თერაპევტი პასუხისმგებელია წინამდებარე ეთიკის კოდექსით განსაზღვრული დებულებების, როგორც მინიმალური სავალდებულო მოთხოვნების აღიარებასა და პრაქტიკულ დანერგვაზე.
- C. გემტალტ-თერაპევტი პასუხისმგებელია მისი პროფესიული საქმიანობის წარმართვასა და სამუშაოს ორგანიზებაზე წინამდებარე ეთიკის კოდექსისა და საქართველოს კანონმდებლობის შესაბამისად.

2. კომპეტენცია:

- A. გემტალტ-თერაპევტი განახორციელებს მხოლოდ ისეთ საქმიანობას, რომლის კომპეტენციაც მას მისივე შეფასებით გააჩნია, ან თუ მან იცის, რომ მას გააჩნია ისეთი კომპეტენცია, რომელიც დაეხმარება კლიენტის სასარგებლოდ განახორციელოს გარკვეული ღონისძიებები.
- B. სამუშაო პროცესში გემტალტ-თერაპევტის მიერ საკუთარი კომპეტენციის შეზღუდვების აღმოჩენა ნიშნავს, რომ მან უნდა, ან გადაამისამართოს კლიენტი სხვა პროფესიონალთან, ან თავად სცადოს სხვა პროფესიონალთან კოლაბორაცია, მათ შორის, სუპერვიზიის მისაღებად. ასეთ შემთხვევაში, პირველი, რაც უნდა გაკეთდეს არის კლიენტთან არსებული თავდაპირველი კონტრაქტის გადასინჯვა. კლიენტთან მუშაობის გაგრძელება შეიძლება მოხდეს მხოლოდ კომპეტენციის შესაბამისი გაუმჯობესების შემდეგ.
- C. გემტალტ-თერაპევტი ყურადღებით ამოწმებს, თუ რამდენად საკმარისია მისი კომპეტენცია კლიენტის საჭიროებებიდან გამომდინარე ფსიქოთერაპიული პროცესის წარმართვისათვის. თუ გემტალტ-თერაპევტი განსაზღვრავს, რომ კონტექსტუალური ველი, მისი სტრუქტურა, საზღვრები, და ველშიდომინანტური მიზნები რაიმე ფორმით ეწინააღმდეგება ან ზღუდავს მისი კომპეტენციის სრულ გამოყენებას კლიენტთან მუშაობის პროცესში, მაშინ გემტალტ-თერაპევტი ვალდებულია თავი შეიკავოს ამ სამუშაო პროცესის გაგრძელებისგან.
- D. გემტალტ-თერაპევტი ვალდებულია მოიძიოს მხარდაჭერა და მეტადგაერკვეს პრობლემურ სიტუაციასთან დაკავშირებულ სირთულეში მისი გამოცდილი კოლეგების დახმარებით, ინტერვიზიის ფორმით.
- E. გემტალტ-თერაპევტი ვალდებულია მიიღოს ინდივიდუალური ან ჯგუფური სუპერვიზია, იმისდა მიხედვით თუ რომელი სუპერვიზიული ფორმაა მისთვის მეტი მხარდაჭერისა და კომპენეტციის მომტანი.



- F. გემტალტ-თერაპევტი ანვითარებს კავშირებს სხვა პროფესიული წრეების წარმომადგენლებთან და დაწესებულებებთან (როგორცაა კლინიკები) იმისათვის, რომ მიუწვდებოდე ხელი აუცილებელ დიაგნოსტიკურ და თერაპიულ სერვისებთან და შეეძლოს საჭიროების შემთხვევაში, კლიენტის დაკავშირება მათთან.
- G. გემტალტ-თერაპევტი იცავს საკუთარ სამუშაოს და პროფესიას ზოგადად ნებისმიერი არასათანადო ქმედებისგან, პროექტისგან და პროცედურისგან (ლექციები, ინტერვიუ, საჯარო გამოსვლები, მედია, სემინარები), რომლებიც ეწინააღმდეგება იმ პროფესიულ სტანდარტებს, რომელსაც გემტალტ-თერაპევტი ემხრობა.
- H. გემტალტ-თერაპევტი ვალდებულია მიიღოს ინდივიდუალური თერაპია საკუთარ ფსიქოთერაპიულ მნიშვნელოვანი ცვლილებების და პრობლემების არსებობის შემთხვევაში, როგორცაა პირადი კრიზისი, გადაწვის ნიშნები, კლიენტთან საზღვრების შენარჩუნების სირთულე, მათ შორის ინტიმური ან სექსუალური ხასიათის.
- I. თერაპიულ პროცესში გამოყენებულ უნდა იქნას ისეთი მეთოდოლოგიური და ტექნიკური მიდგომა, რომელიც ემსახურება კლიენტის განვითარების მიზნებს მასთან არსებული კონტრაქტის შესაბამისად. გემტალტ-თერაპევტი აცნობიერებს, რომ ნებისმიერი ტიპის გათამაშება, განსაკუთრებით კი ექსპრესიული და კათარზისული ხასიათის გათამაშება, საჭიროებს შემდგომ დე-დრამატიზაციას, დეტალური და ფრთხილი სამუშაო პროცესის საშუალებით.
- J. საგანმანათლებლო პროცესში, რომელიც მთელი პროფესიული ცხოვრების მანძილზე მიმდინარეობს, გემტალტ-თერაპევტი მუშაობს საკუთარი პიროვნული და პროფესიული კომპეტენციის გაფართოვება-გაღრმავებაზე. გემტალტ-თერაპევტი ვალდებულია შეინარჩუნოს ღიადობა მნიშვნელოვანი ცვლილებებისადმი, რომლებიც ზემოქმედებენ ამ პროცესზე, იმისდა მიუხედავად ხდება ეს გემტალტ თერაპიის სფეროში თუ ფსიქოთერაპიის სხვა სფეროებსა და მიმდინარეობებში, კლიენტის ინტერესების გათვალისწინებით.
- K. გემტალტ-თერაპევტი სიფრთხილით ინახავს დოკუმენტაციას, რომელიც უკავშირდება კლიენტის დიაგნოსტიკურ ან თერაპიულ პროცესს, და ითვალისწინებს ადგილობრივ რეგულირებებს დოკუმენტაციის შენახვის ვადისა და უსაფრთხოების მოთხოვნების შესახებ. დოკუმენტაციის სიფრთხილით წარმოება ნიშნავს ადგილობრივ ფსიქოთერაპიულ რეგულაციებთან შესაბამისობას, ასეთის არსებობის შემთხვევაში.

3. კონფიდენციალობა:

- A. ნებისმიერი სახის კომუნიკაცია გემტალტ-თერაპევტსა და კლიენტს შორის არის კონფიდენციალური, წინამდებარე ეთიკის კოდექსის მე-7 მუხლის, „გამონაკლისი გარემოებების“ გათვალისწინებით.



- B. კლიენტის პირადი მონაცემების, მათ შორის შემთხვევის აღწერის ჩანაწერების წარმოება რეგულირდება ადგილობრივი საკანონმდებლო და პროფესიული ნორმებით.
- C. გემტალტ-თერაპევტი სათანადო სიფრთხილით იცავს კლიენტის მონაცემებს მისი პირადი იდენტიფიცირების შესაძლებლობისგან, ასევე ამ ინფორმაციის გავრცელებისგან ნებისმიერი ურთიერთგადამფარავი კავშირების არხებით, როგორცაა სუპერვიზია.
- D. იმ შემთხვევაში, თუ გემტალტ-თერაპევტს სურს კლიენტთან სამუშაო პროცესში მიღებული სპეციფიური ინფორმაციის გამოყენება ლექციის ან პუბლიკაციისთვის, მან ჯერ უნდა მოიპოვოს კლიენტის ან მისი იურიდიული წარმომადგენლის ინფორმირებული თანხმობა და მკაცრად დაიცვას სახელთან და პირად მონაცემებთან დაკავშირებული ანონიმურობა, ევროპის გემტალტ თერაპიის ასოციაციის ეთიკის კოდექსის და გასაჩივრების პროცედურების მოთხოვნების შესაბამისად.
- E. იმ შემთხვევაში, თუ გემტალტ-თერაპევტს სურს კლიენტის შემთხვევის სპეციფიური მასალის გამოყენება შემთხვევის ანალიზის წარსადგენად, ანგარიშში ჩასართავად თუ გამოსაცემად, მან ჯერ უნდა მოიპოვოს კლიენტის ან მისი იურიდიული წარმომადგენლის ინფორმირებული თანხმობა, როდესაც ეს შესაძლებელია, და დაიცვას კლიენტის ანონიმურობა.
- F. კლიენტის მონაცემების ვიდეო, ფოტო, აუდიო და სხვა ნებისმიერი სახის ჩანაწერი უნდა შენახულ იქნას საქართველოს კანონმდებლობის შესაბამისად, კლიენტის კონფიდენციალობისა და ანონიმურობის უზრუნველყოფის მიზნით.
- G. გარე, კერძო ან საჯარო ინსტიტუციების, როგორცაა სასამართლო, სადაზღვევო კომპანიები, და სხვ., მიერ კლიენტთან დაკავშირებული ინფორმაციის მოთხოვნის შემთხვევაში გემტალტ-თერაპევტი მოქმედებს საქართველოს კანონმდებლობის შესაბამისად. ამ დროს, გემტალტ-თერაპევტი უკავშირდება კლიენტს და წარმართავს კლიენტთან კომუნიკაციას საქართველოს კანონმდებლობის შესაბამისად, თერაპიული პროცესისთვის მაქსიმალურად სასარგებლო ფორმით.
- H. იმ შემთხვევაში, თუ კლიენტი წარმოადგენს არასრულწლოვანს საქართველოს კანონმდებლობის შესაბამისად, გემტალტ-თერაპევტი ითვალისწინებს ყველა შემთხვევაში მოცემულ მოთხოვნას. ამასთან, გემტალტ-თერაპევტი ვალდებულია დაიცვას საქართველოში არსებული იურიდიული და პროფესიული რეგულაციები არასრულწლოვანთან მოპყრობის თაობაზე, მათ შორის ინფორმაციის გადაცემა არასრულწლოვანის მიმართ არასათანადო მოპყრობის ან არასათანადო მოპყრობის რისკის შესახებ.
- I. იმ შემთხვევაში, თუ გემტალტ-თერაპევტს გააჩნია საფუძვლიანი ეჭვი კლიენტის ან მისი გარემოცვის უსაფრთხოებასთან დაკავშირებით, შესაძლებელია დასაბუთებულად ჩაითვალოს გემტალტ-თერაპევტის გადაწყვეტილება დაარღვიოს კონფიდენციალობა და გადასცეს ინფორმაცია



იმ ოფიციალურ პირებს ან პროფესიონალებს, რომელთაც შეუძლიათ ჩარევა და სავარაუდო საფრთხის ან რისკის აღმოფხვრა. კლიენტი უნდა იყოს ინფორმირებული ამგვარი ქმედების შესახებ.

4. კლიენტთან კონტრაქტის გაფორმება:

- A. ნებისმიერი შეთანხმება გეშტალტ-თერაპევტსა და კლიენტს შორის წარმოადგენს ორმხრივ კონტრაქტს, იმისდა მიუხედავად წერილობითი თუ ზეპირი ფორმით არის შემდგარი.
- B. კლიენტთან თერაპიული კონტრაქტის შეთანხმების პროცესში გეშტალტ-თერაპევტი გარკვევით და ღიად წარადგენს ინფორმაციას საკუთარი კომპეტენციის, ექსპერტიზის და გამოცდილების შესახებ.
- C. გეშტალტ-თერაპევტი ვალდებულია განახორციელოს კლიენტის რეგისტრაციის პროცედურა ადგილობრივი რეგულაციების შესაბამისად.
- D. ნებისმიერი ჩანაწერი, გადაღება ან დაკვირვება თერაპიული სესიის დროს წინასწარ უნდა შეთანხმდეს კლიენტთან და ჩაითვალოს თერაპიული კონტრაქტის ნაწილად.
- E. კონტრაქტი კლიენტთან, წერილობითი თუ ზეპირი ფორმით, ცალსახად უნდა განსაზღვრავდეს გადასახადის ოდენობას, გადახდის გრაფიკსა და ფორმას, თერაპიული სესიების ადგილს, შესვენებებისა და კლიენტის ან გეშტალტ-თერაპევტის მიერ კონტრაქტის შეწყვეტის წესებს. ამის მაგალითია წინასწარი შეთანხმება ოფიციალური დღესასწაულების დროს შესვენების თაობაზე, ან დროებითი შეჩერება სხვა პროფესიული ვალდებულებებიდან გამომდინარე, ან ავადმყოფობასთან დაკავშირებით, და სხვა. თერაპიის ხანგრძლივობა, კლიენტის გადამისამართების საჭიროება და კონტრაქტის შეწყვეტის პირობები წინასწარ განიხილება კლიენტთან და მას უთანხმდება.
- F. პირადი კრიზისის ან ფიზიკური ავადმყოფობის შემთხვევაში, გეშტალტ-თერაპევტი ვალდებულია ჩაერთოს სუპერვიზიაში პროფესიული ურთიერთობის აღდგენის უზრუნველყოფის მიზნით.
- G. გეშტალტ-თერაპევტი ვალდებულია თერაპიული ურთიერთობის განმავლობაში თავი შეიკავოს ნებისმიერი კომუნიკაციისიგან სხვა პირთან, აგრეთვე შეფასებებისგან და განცხადებებისგან, ასევე სხვა პირთა შეფასებისგან ან დაინტერესებისგან, იმისდა მიუხედავად თუ რამდენად ახლო ურთიერთობა აქვს ამ პირს კლიენტთან, კლიენტის წინასწარი თანხმობის გარეშე. თუ მოხდა ასეთი შეთანხმება, ეს გამოიწვევს პირველადი კონტრაქტის შესაბამის გადასინჯვას.

5. რეკლამა:

- A. რეკლამა შეზღუდულია აღწერითი სახის დებულებების ფორმამდე, რომლებიც აღწერენ არსებულ მომსახურებას და მომსახურების გამწევი პირის კვალიფიკაციას. რეკლამა არ უნდა მოიცავდეს ყოფილ ან არსებულ კლიენტთარეკომენდაციებს და



შეფასებებს, აგრეთვე შედარებითი ხასიათის დებულებებს, ან სხვა რაიმე სახით მიუთითებდეს მომსახურების უპირატესობაზე სხვა კოლეგების მიერ, სხვა თერაპიული სკოლების, ან სხვა ორგანიზაციების მიერ შეთავაზებულ მომსახურებასთან შედარებით.

B. რეკლამა რეგულირდება საქართველოს კანონმდებლობით და პროფესიული ორგანიზაციებით.

6. უსაფრთხოება:

A. გემტალტ-თერაპევტი ვალდებულია მიიღოს ყველა გონივრული ზომა იმისათვის, რომ კლიენტს არ მიაყენოს რაიმე ფიზიკური ან ფსიქოლოგიური ზიანი თერაპიული სესიების დროს იმ ფიზიკურ გარემოცვაში, სადაც ტარდება სესიები.

B. გემტალტ-თერაპევტი უზრუნველყოფს პრივატულობას თერაპიული სესიების დროს ისე, რომ კლიენტის და თერაპევტის საუბარი არავინმოისმინოს, ან ჩაიწეროს, და არავინ დაინახოს კლიენტი, კლიენტის ინფორმირებული თანხმობის გარეშე.

7. გამონაკლისი გარემოებები:

A. შესაძლებელია გამონაკლისი გარემოებებში, გემტალტ-თერაპევტს დასჭირდეს ზომების მიღება კლიენტის ან მისი სოციალური გარემოცვის დასაცავად, თუ ჩათვლის, რომ კლიენტის თვით-კონტროლის უნარი არ მნიშვნელოვნად დაქვეითებული. ასეთ შემთხვევაში, კლიენტის ინფორმირებული თანხმობის მიღების ვალდებულება კონფიდენციალობის დარღვევისა და კონტრაქტის ცვლილების თაობაზე, განისაზღვრება საქართველოს კანონმდებლობით.

B. ინდივიდუალური ან ჯგუფური საგანგებო (მაგ., სიცოცხლისათვის რისკის არსებობა, საზოგადოებრივი არეულობა, ომი, ბუნებრივი კატასტროფა, და სხვა.) სიტუაციების დროს, გემტალტ-თერაპევტი ვალდებულია გაითვალისწინოს კონკრეტული შემთხვევის თავისებურებები, და შეინარჩუნოს კლიენტის ანონიმურობა და პროფესიული კონფიდენციალობა, თუ არსებული გარემოებები ამის შესაძლებლობას იძლევა.

C. გემტალტ-თერაპევტი ვალდებულია დაიცვას კლიენტის ავტონომიურობა და პროფესიული კონფიდენციალობა იმ შემთხვევებშიც, როდესაც ფსიქოთერაპია კლიენტის კეთილდღეობასთან დაკავშირებული უფრო ფართო პროცესის ნაწილს წარმოადგენს. განსაკუთრებით, როდესაც ფსიქოთერაპია კლიენტს „ენიშნება“, მაგ., ფსიქოთერაპია საავადმყოფოში, ორგანიზაციაში, არასრულწლოვნების დაწესებულებაში, და ა. შ., მათ შორის ჯანდაცვის სხვა წარმომადგენლებთან გუნში მუშაობის დროს. გემტალტ-თერაპევტი განუმარტვას კლიენტს ამგვარი სპეციფიური კონტრაქტის თავისებურებებს შეთანხმების პირველსავე ეტაპზე, და სამუშაო პროცესში ჩართავს სხვა პირებს/პროფესიონალებს მხოლოდ კლიენტის თანხმობის შემთხვევაში.



8. თერაპევტის საზოგადოებრივი როლის მართვა:

- A. გემტალტ-თერაპევტი ფლობს ინფორმაციას იმ არსებული საკანონმდებლო მოთხოვნების შესახებ, რომლებიც ეხება მის პროფესიულ საქმიანობას და მისი სამუშაო პრაქტიკის ან დაწესებულების საქმიანობას, და ყურადღებით ადევნებს თვალყურს შესაბამისი რეგულაციების ცვლილებებს.
- B. გემტალტ-თერაპევტი თავს იკავებს საჯაროდ ან კერძოდ საკუთარი მომსახურების, პროფესიული განვითარებისა და თვისებების რეკლამირებისგან.
- C. გემტალტ-თერაპევტი თვალყურს ადევნებს საქართველოს პროფესიულ რეგულირებას, რომელიც უკავშირდება საკუთარი თავის წარდგენას კარებთან მიმაგრებულ ფირფიტებზე წარწერების, გაზეთში განცხადებების გამოქვეყნების გზით, სატელეფონი-საინფორმაციო ცნობარებში ან ინტერნეტში ინფორმაციის განთავსების სასუალებით. საზოგადოება არ უნდა შევიდეს შეცდომაში წარმოდგენილი მომსახურები ან კვალიფიკაციის თაობაზე, რამდენადაც ამან შეიძლება შეძლდოს კლიენტის არჩევანი სხვაგანეძიოს მისთვის საჭირო მომსახურება ან კვალიფიკაცია.
- D. გემტალტ-თერაპევტი არ იკავებს თავს კლიენტისათვის იმ ინფორმაციის გაზიარებისგან, რაც სხვა კოლეგებისგან ან დაწესებულებებისგან დახმარებისა და პროფესიული მომსახურების მიღების შესაძლებლობას ეხება.
- E. გემტალტ-თერაპევტი პატივს სცემს კოლეგებს, როგორც საჯარო, ისე კერძო კომუნიკაციაში, და თავს იკავებს დამაკნინებელი შენიშვნებისგან სხვა თეორიული მოდელების, სკოლების ან სხვა კოლეგების მიმართ.
- F. გემტალტ-თერაპევტი არ დათანხმდება ისეთ საქმეს ან პროექტს, რომელშიც უკვე ჩართულია სხვა კოლეგა, განსაკუთრებით კლიენტსა და სხვა კოლეგას შორის თერაპიული კონტრაქტის არსებობის შემთხვევაში. ეჭვის შემთხვევაში, გემტალტ-თერაპევტი წარმართავს დიალოგს კოლეგასთან კლიენტის ინფორმირებული თანხმობის მიღების შემდეგ.
- G. გემტალტ-თერაპევტი არ მიიღებს ეკონომიკურ ან სხვა სახის პირად სარგებელს კლიენტების სხვა კოლეგასთან ან დაწესებულებასთან გადამისამართებისთვის.
- H. იმ შემთხვევაში, თუ გემტალტ-თერაპევტისთვის ცნობილი გახდა კოლეგის მხრიდან ისეთი ქმედების შესახებ, რომელიც აკნინებს ფსიქოთერაპიის პროფესიას, ის ვალდებულია დაუპირისპირდეს კოლეგას და/ან მისპროფესიულ ორგანიზაციას.
- I. გემტალტ-თერაპევტი არ ჩაერთვება ისეთ ოფიციალურ ან კერძო საქმიანობაში, რომელმაც შეიძლება ზიანი მიაყენოს მის რეპუტაციას და წინააღმდეგობაში შევიდეს მისი პროფესიული ქცევის და როლის ეთიკასთან, ან ზოგადად პროფესიის რეპუტაციისთვის იყოს საზიანო.
- J. გემტალტ-თერაპევტი აცნობიერებს ფსიქოთერაპიული სამუშაოს იმ სოციალურ და პოლიტიკურ ასპექტებს, აგრეთვე კლიენტის კონტექსტში სოციალურ და პოლიტიკურ ფაქტორებს, რომლებიც ზემოქმედებენ კლიენტზე. გემტალტ-თერაპევტი თავს იკავებს ნებისმიერი სახის ზეგავლენისგან კლიენტის პოლიტიკურ, რელიგიურ და სხვა



შეხედულებებთან მიმართებაში ისე, რომ უზრუნველყოს შესაბამისობა ადამიანის უფლებების კანონებთან, რეგულაციებსა და პოლიტიკებთან.

K. გეშტალტ ფსიქოთერაპიის მიმართულებით განათლების მიზანია ინფორმაციის მიწოდება მაქსიმალურად ობიექტური და გასაგები ფორმით თეორიული, მეთოდოლოგიური და ტექნიკური მიღწევების შესახებ, როგორც ზოგადად ფსიქოთერაპიის, ისე კონკრეტულად გეშტალტ თერაპიის სფეროში. მასწავლებლების პირადი შეხედულებები წარმოდგენილი უნდა იყოს როგორც ასეთი.

L. გეშტალტ-თერაპევტი ინარჩუნებს სრულ ვალდებულებებს ყოფილი კლიენტების და მიმდინარე სტუდენტების წინაშე.

9. თბილისის გეშტალტ ინსტიტუტის ვალდებულებები:

A. არ უნდა შეიქმნას ცრუ მოლოდინები განათლების ოფიციალური აღიარების თაობაზე, როგორც ადგილობრივი სახელმწიფო ორგანიზაციების და არსებული კანონმდებლობის (კანონები, რომლებიც არეგულირებს ფსიქოთერაპიულ განათლებას და „ფსიქოთერაპევტის“ წოდების უფლებას) თვალსაზრისით, ისე ფსიქოთერაპიის ხარჯების ანაზღაურებას ჯანდაცვის სერვისების ან სადაზღვევო კომპანიების მიერ.

B. თბილისის გეშტალტ ინსტიტუტი ვალდებულია შეაფასოს კანდიდატების კვალიფიკაცია, მოლოდინები და ფსიქო-ფიზიკური მდგომარეობის შესაბამისობა, და მიაწოდოს მათ სრულად და გასაგები ფორმით, ინფორმაციასასწავლო პროგრამისა და შიდა რეგულაციების შესახებ.

C. თბილისის გეშტალტ ინსტიტუტი ვალდებულია უზრუნველყოს განათლების მაღალი ხარისხი, როგორც მასწავლებელთა და სუპერვიზორთა სპეციფიური კომპეტენციის თვალსაზრისით, ისე სასწავლო პროგრამასთან შესაბამისობის თვალსაზრისით. ის უზრუნველყოფს შიდა კონტროლის არსებობას განათლების ხარისხის შესამოწმებლად, აგრეთვე უზრუნველყოფს სივრცესა და ადგილს სასწავლო მეთოდოლოგიის გაუმჯობესებისა და შედარებისთვის.

D. ურთიერთობები მასწავლებლებს, სტუდენტებსა და გეშტალტ ინსტიტუტს შორის არის გამჭირვალე და სათანადოდ დოკუმენტირებული იურიდიული ძალის მქონე კონტრაქტების ფორმით, საქართველოს კანონმდებლობის შესაბამისად.

E. მასწავლებელი გეშტალტ-თერაპევტი აცნობიერებს საკუთარ როლის თავისებურებებს სტუდენტებთან ურთიერთობებში, და არ გამოიყენებს ამ როლს საკუთარი ინტერესებისთვის. ისინი განსაკუთრებულად აცნობიერებენ ასეთ ურთიერთობებში დამოკიდებულების, იდეალიზაციის და შეფასების მოლოდინთან დაკავშირებული ფაქტორების მნიშვნელობას. თბილისის გეშტალტ ინსტიტუტი უზრუნველყოფს მასწავლებელ-სტუდენტის ურთიერთობების წარმართვის წესებს და წარმოქმნილი პრობლემების განსახილველ სივრცეს.



F. თბილისის გემტალტ ინსტიტუტი პერიოდულად შეაფასებს რამდენად აკმაყოფილებს სტუდენტის განათლების დონე არსებულ მოთხოვნებს, და უზრუნველყოფს ამ პროცესის

გამჭირვალე და სტრუქტურირებულ ფორმას.

G. კლიენტ-თერაპევტის ურთიერთობების მარეგულირებელი ეთიკური პრინციპები და თერაპევტის საზოგადოებრივი როლის მართვის წესები თანაბრად ვრცელდება მასწავლებელ-სტუდენტის ურთიერთობებსა და განათლების სფეროზე (კომპეტენცია, კონფიდენციალობა, ურთიერთობასთან დაკავშირებული საკითხები, კონტრაქტის შეთანხმება და უსაფრთხოება).

H. სწავლების მიზნით სტუდენტისთვის გემტალტი თერაპიის ჩატარებისას დაცული მკაცრად უნდა იყოს გამიჯნული როლები; ტრენერი, რომელიც ატარებს თერაპიას სტუდენტთან, არ უნდა მონაწილეობდეს ამ სტუდენტის წინსვლის და შესაფერისობის შეფასების ოფიციალურ პროცედურაში.

I. თბილისის გემტალტ ინსტიტუტი უზრუნველყოფს კონტროლს სასწავლო პერსონალის პირადი, დიდაქტიკური, კლინიკური და სამეცნიერო სტანდარტების მოთხოვნებთან შესაბამისობაზე. დაცული უნდა იყოს მასწავლებელ თერაპევტთა შორის ინფორმაციის პროფესიული გაცვლა, მათი აუცილებელი სუპერვიზია და განგრძობითი სწავლება-განვითარება.

10. ინტერესთა კონფლიქტი:

A. იმ შემთხვევაში, თუ გემტალტ-თერაპევტი აღმოჩნდება სხვადასხვა ან რამოდენიმე ეთიკურ პოზიციათა და მოთხოვნათა შორის კონფლიქტში, და თავად ვერ წყვეტს ამგვარ კონფლიქტს, სუპერვიზიის და/ან ინტერვიზიის დახმარებით, ის ვალდებულია მიმართოს თბილისის გემტალტ ინსტიტუტს და/ან მისი პროფესიული ასოციაციის ეთიკურ კომიტეტს შესაბამისი კონსულტაციების მისაღებად.

11. სამართალწარმოება:

A. ნებისმიერი გემტალტ-თერაპევტი, რომელიც წარმოადგენს ევროპის გემტალტ თერაპიის ასოციაციის წევრს, და რომელთან მიმართებაშიც მიმდინარეობს სამართალწარმოების საქმე, ვალდებულია ამის შესახებ შეატყობინოს ევროპის გემტალტ თერაპიის ასოციაციის აღმასრულებელ საბჭოს.

B. ორგანიზაციაში მომუშავე ნებისმიერი გემტალტ რომელიც წარმოადგენს ევროპის გემტალტ თერაპიის ასოციაციის წევრს, და რომელთან მიმართებაშიც მიმდინარეობს სამართალწარმოების საქმე, ვალდებულია ამის შესახებ შეატყობინოს ევროპის გემტალტ თერაპიის ასოციაციის აღმასრულებელ საბჭოს.

წინამდებარე ეთიკის კოდექსი შედგენილია ქართულ და ინგლისურ ენაზე. გაურკვევლობის შემთხვევაში უპირატესობა ენიჭება ქართულ ვარიანტს.